

ԿԱՆՈՆԱԿԱՐԳ

«ԱՅԲ» ԿՐԹԱԿԱՆ ՀԻՄՆԱԴՐԱՄԻ ՀՈԳԱՔԱՐԶՈՒՆԵՐԻ ԽՈՐՀՐԴԻ 3 (ԵՐԵՔ) ԴԱՍԱՅԻՆ ԽՄԲԵՐԻ ՆԵՐԴԱՍԱՅԻՆ ԸՆՏՐՈՒԹՅՈՒՆՆԵՐԻ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Այբ» կրթական հիմնադրամը (այսուհետև՝ նաև՝ Հիմնադրամ) հանդիսանում է «Այբ» համակարգում¹ ներառված կազմակերպություններից մեկը: Հիմնադրամի հոգաբարձուների խորհրդի (այսուհետև՝ Հխ) 3 (երեք) դասային խմբերի ներդասային ընտրությունների կանոնակարգը (այսուհետև՝ կանոնակարգ) բխում է Հիմնադրամի կանոնադրությունից և ընդունվում ու հաստատվում է Հիմնադրամի Հխ-ի կողմից:
- 1.2 Կանոնակարգը կազմվել է Հայաստանի Հանրապետության օրենսդրությանը համապատասխան և հանդիսանում է Հիմնադրամի Հխ անհատական կազմի ձևավորման վերաբերյալ դրույթներ և Հխ գործունեության կազմակերպման այլ առանձնահատկություններ սահմանող հիմնական փաստաթղթերից մեկը՝ Հիմնադրամի կանոնադրության հետ մեկտեղ:

2. ՀՈԳԱՔԱՐԶՈՒՆԵՐԻ ԽՈՐՀՈՒՐԴ. ՁԵՎԱՎՈՐՄԱՆ ԸՆԴՀԱՆՈՒՐ ԿԱՐԳԸ

- 2.1. Հիմնադրամի կառավարման բարձրագույն և հսկողություն իրականացնող մարմինը հոգաբարձուների խորհուրդն է (Հխ):
- 2.2. Հխ հերթական կազմի լիազորությունների ժամկետ է սահմանվում 2 (երկու) տարի՝ հաշվարկված 2019 թվականի դեկտեմբերի 12-ից:
- 2.3. Հիմնադրամի հոգաբարձուների խորհրդի անդամի լիազորությունները, որոնք ստանձնվել են հոգաբարձուների՝ արդեն իսկ ձևավորված խորհրդի կազմում, դադարում են հոգաբարձուների այդ խորհրդի լիազորությունների դադարմամբ /ավարտմամբ:
- 2.4. Հիմնադրամի հոգաբարձուների խորհուրդը բաղկացած է 7 (յոթ) անդամից, որոնք ընտրվում են երեք դասային խմբերից և հաստատվում Հխ գործող անդամների ընդհանուր թվի ձայների պարզ մեծամասնությամբ:

¹ «Այբ» համակարգը (այսուհետև՝ Համակարգ) «Այբ» կրթական հիմնադրամի հետ փոխկապակցված և/կամ «Այբ» կրթական հիմնադրամի Հոգաբարձուների խորհրդի կողմից Համակարգում ընդգրկված այնպիսի կազմակերպությունների համախումբ է, որոնց հիմնական նպատակը կրթական, մշակութային, բարեգործական, սոցիալական զարգացման ծրագրերի շուրջ համագործակցությունն է:

2.5. Հիւ անդամները ձայների պարզ մեծամասնությամբ իրենց կազմից ընտրում են Հիմնադրամի հոգաբարձուների խորհրդի նախագահին: Հիւ-ն կարող է ցանկացած ժամանակ վերընտրել նախագահին կամ ընտրել նոր նախագահ՝ իր անդամների ընդհանուր թվի ձայների մեծամասնությամբ:

2.6. Հիւ անդամի լիազորությունը դադարելու դեպքում նրա փոխարեն նոր անդամ նշանակվում է Հիւ գործող կազմի կողմից միևնույն դասային խմբից՝ ոչ ուշ, քան հոգաբարձուների խորհրդի անդամի թափուր տեղ առաջանալու մասին գործադիր տնօրենի ծանուցումն ստանալու օրվանից հետո՝ 30 (երեսուն) օրվա ընթացքում:

2.7. Հիւ անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 (տասը) օրվա ընթացքում Հիմնադրամի գործադիր տնօրենը տեղեկացնում է Հիւ-ի անդամներին և կազմակերպում թափուր տեղի համալրումը՝ համաձայն Հիւ-ի հաստատած ներքին կանոնակարգերի:

2.8. Հիւ նիստերին խորհրդակցական ձայնով և/կամ միայն մասնակցության իրավունքով ընտրվող անձանց և/կամ մարմինների հարցի որոշումը վերապահված է բացառապես Հիւ-ին՝ ձայների պարզ մեծամասնությամբ:

2.9. Հիւ նիստերը և գործունեությունը արդյունավետ կազմակերպելու և վարելու համար Հիւ կողմից ձայների պարզ մեծամասնությամբ կարող է հաստատվել Աշխատանքային գործունեության կանոնակարգ:

3. Հիւ ԱՆՀԱՏԱԿԱՆ ԿԱԶՄԸ ԵՎ Հիւ ԱՆԴԱՄՆԵՐԻՆ ԱՌԱՋԱԴՐՎՈՂ ԶԱՓԱՆԻՇՆԵՐԸ. Հիւ 3 /ԵՐԵՔ/ ԴԱՍԱՅԻՆ ԽՄԲԵՐԻ ՆԵՐԴԱՍԱՅԻՆ ԸՆՏՐՈՒԹՅՈՒՆՆԵՐԻ ԿԱՐԳԸ

3.1. Հոգաբարձուների խորհրդի անհատական կազմի ձևավորման գործընթացում թեկնածուներն ընտրվում և հաստատվում են հետևյալ 3 (երեք) դասային խմբերին համապատասխանելու հիմքով, ընդ որում, դասային խմբերի հիման վրա Հիւ նոր կազմը իրավագոր է 2019 թվականի դեկտեմբերի 12-ից (Հիւ նոր կազմի գործողության սկիզբ):

3.1.1. ռազմավարական հովանավոր (առավելագույնը Հիւ-ի 1 անդամի ներգրավվածություն),

3.1.2. շարունակական հովանավոր (առավելագույնը Հիւ-ի 4 անդամի ներգրավվածություն՝ ֆինանսական միջոցների ներգրավման խոստմամբ),

3.1.3. շարունակական հովանավոր (առավելագույնը Հիւ-ի 2 անդամի ներգրավվածություն)²:

3.2. Կանոնակարգի 3.1.1., 3.1.2. 3.1.3. կետերով սահմանված դասային խմբերում որպես քվեարկող առաջադրվելու համար՝ համայնքի՝ յուրաքանչյուր դասային խմբի համար սահմանված չափանիշներին համապատասխանող անդամները սեփական նախաձեռնությամբ (իրենց կողմից համապատասխան դիմումի³ լրացմամբ) և Հիմնադրամի Հիւ-ի կողմից հաստատման առկայության դեպքում ընդգրկվում են տվյալ դասային խմբի քվեարկողների կազմում:

² Սույն կանոնակարգի 3.1.1, 3.1.2, 3.1.3 կետերում սահմանված դասային խմբերում ընդգրկված իրավաբանական անձինք Հիւ ձևավորման գործընթացում և հետագա գործունեության ընթացքում հանդես են գալիս իրենց կողմից նշանակված ներկայացուցչի միջոցով:

³ Դիմումի օրինակելի ձևը հաստատվում և կցվում է սույն կանոնակարգին (տե՛ս Հավելված 1):

3.3. Եթե Հիս-ի կազմում առաջադրված թեկնածուն միաժամանակ բավարարում է մեկ կամ ավելի դասային խմբին ներկայացվող պահանջներին, ապա նա կարող է որպես ընտրող մասնակցել դասային յուրաքանչյուր խմբի կազմում, սակայն որպես թեկնածու առաջադրվել միայն մեկ դասային աստիճանով՝ իր նախընտրությամբ:

3.4. Յուրաքանչյուր դասային խմբերի շրջանակներում քվեարկության մասնակիցների վերջնական կազմը հաստատվում է Հիս կողմից:

3.5. Սույն կանոնակարգի 3.1.1. կետով սահմանված դասային խմբի թեկնածուն որպես Հիս անդամ ընտրվելու դեպքում Հիս նիստերին ֆիզիկական ներկայության անհնարիսության դեպքում իրավունք ունի լիազորել այլ անձի իր անունից, ի շահ իրեն, քվեարկելու ու որոշումներ կայացնելու իրավասությամբ մասնակցելու Հիս նիստերին: Ընդ որում, լիազորված անձի մասին տեղեկատվությունը տրամադրվում է իր դասային խմբի անդամներին և Հիս-ին մինչև ընտրությունների մեկնարկը և չի կարող փոփոխվել ընտրվելու դեպքում Հիս-ի գործունեության ողջ ընթացքում:

3.6. Հիս անդամ չեն կարող ընտրվել Հիմնադրամի այլ ղեկավար մարմինների անդամները/ներկայացուցիչները:

3.7. Հիմնադրամը Հիս ձևավորման գործընթացը սկսելու մասին տեղեկացնում է համայնքին և բոլոր դասային խմբերի շրջանակներում պոտենցիալ քվեարկողներին: Ընդ որում, սույն կանոնակարգով սահմանված երեք դասային խմբերում քվեարկող առաջադրված պոտենցիալ անդամներին Հիմնադրամի կողմից սահմանված ժամկետներում ուղարկվում են իրենց կողմից նախորդ երեք տարիների ընթացքում կատարված նվիրատվությունների⁴ անհատական պատմություններ՝ նվիրատվության չափի նշմամբ⁵ (ռազմավարական հովանավորը՝ գործունեության ամբողջ ընթացքի համար):

3.8. Գործընթացի մեկնարկին Հիմնադրամի պաշտոնական կայքէջում հրապարակվում են Հիս ձևավորման սույն կանոնակարգը, ինչպես նաև Հիս անդամների կողմից ստորագրման ենթակա Եթիկայի կանոնները: Հիմնադրամի կայքում տեղադրվում է նաև Էլփոստի հասցեների թարմացման հնարավորության ընթացակարգը:

3.9. Բարերարը/հովանավորը Հիմնադրամի կողմից նվիրատվության չափի մասին տեղեկատվության ստացումից հետո 5 օրյա ժամկետում հաստատում է իր նվիրատվությունների չափը կամ հայտնում է իր անհամաձայնության մասին: 5 օրյա ժամկետում չարձագանքելը մեկնաբանվում է որպես նվիրատվության գումարի չափի հաստատում բարերարի կողմից:

3.10. Մեկնարկին հաջորդում է Հիս որևէ դասային խմբում որպես քվեարկող ընդգրկվելու պոտենցիալ անդամի հայտարարությունը Հիմնադրամի կողմից կայքում

⁴ Սույն կանոնակարգի շրջանակում նվիրատվությունը կարող է մեկնաբանվել որպես նվիրատվություն, նվիրաբերություն, ինչպես նաև այլ ձևով անհատույց փոխանցման փաստ՝ բացառապես դրամական և բնաիրային արտահայտությամբ: Սույն կետի իմաստով չեն ներառվում ստացված դրամաշնորհները:

⁵ Հիմնադրամը 3.1.1., 3.1.2., 3.1.3. դասային խմբերում նշված յուրաքանչյուր հովանավորի/բարերարի տեղեկացնում է սահմանված ժամանակահատվածի համար նվիրատվության չափի մասին: Նվիրատվության չափի վերաբերյալ առարկություններ ունենալու դեպքում պոտենցիալ թեկնածուն կրում է անհամապատասխանությունը շտկելու նպատակով անհրաժեշտ ապացույցներ հավաքելու և ներկայացնելու ռիսկը, որի հիման վրա թեկնածությունը հաստատելու և կամ որպես ընտրող նշանակելու հարցի վերջնական լուծումը վերապահվում է Հիմնադրամի Հիս-ին:

հրապարակված Էլփոստի հասցեին՝ մեկ կամ միաժամանակ մի քանի դասային խմբերում որպես քվեարկող հանդես գալու մասին:

3.11. Որպես քվեարկող հանդես գալու և դիմումների լրացման ժամկետը սահմանվում է Հիմնադրամի կողմից պոտենցիալ քվեարկողների Էլփոստի հասցեներին ծանուցում ուղարկելու միջոցով, որի մեջ հստակ սահմանվում են նաև թեկնածություն առաջադրելու ժամկետներն ու կարգը, որոնք չեն կարող գերազանցել ընտրությունների համար նախատեսված ժամկետները:

3.12. Հիմնադրամի կողմից հաստատված ժամկետներում սույն կանոնակարգի 3.1.1., 3.1.2., 3.1.3. դասային խմբերի պոտենցիալ քվեարկողներին հնարավորություն է տրվում հաստատելու իրենց անհատական պատմություններում նշված նվիրատվությունների ընդհանուր չափը կամ լրացնելու այդ խմբում որպես քվեարկող ընդգրկվելու համար պակասող գումարը (գումարային հաշվարկը կատարվում է՝ հիմք ընդունելով լրացուցիչ նվիրատվության գումարի՝ Հիմնադրամի հաշվին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.13. Հիմնադրամի Հիւ-ն սահմանված ժամկետում պոտենցիալ քվեարկողների կողմից հաստատումներն ստանալուց հետո ստուգում է առաջադրված անձանց համապատասխանությունը դասային բնութագրիչներին:

3.14. Դասային խմբերի քվեարկողների ցանկերը հաստատելուց հետո Հիւ-ն յուրաքանչյուր դասային խմբին տեղեկացնում է տվյալ դասային խմբի անդամների կազմը:

3.15. Յուրաքանչյուր դասային խմբում թեկնածուները կարող են ինքնաառաջադրվել կամ առաջադրվել համապատասխան դասային խմբի որևէ քվեարկողի կողմից:

3.16. Հիւ անդամի յուրաքանչյուր թեկնածու ծանոթանում է Կանոնակարգով սահմանված դրույթներին Հիմնադրամի կայքից:

3.17. Դասային խմբում ընդգրկված անձինք ազատ են իրենց հարմար ձևաչափով կազմակերպել ներդասային քննարկումներ՝ առաջադրվող թեկնածուների՝ Հիմնադրամի զարգացման տեսլականին ծանոթացման և այլ նմանատիպ հարցերի շուրջ: Դասային խմբերի նախաձեռնությամբ այդ քննարկումներին կարող են մասնակցել Հիմնադրամի ներկայացուցիչները: Ընտրության օրերը և մեկնարկին նախորդող օրը լռության օրեր են:

3.18. Հիմնադրամի սույն կանոնակարգի 3.1.1., 3.1.2., 3.1.3. դասային խմբերի համար կազմակերպում է ներդասային առանձին ընտրություններ՝ ռեյտինգային կարգով, թեկնածուներին ուղարկված ծանուցումներում հստակ սահմանված ժամկետներում (տե՛ս 3.25 կետ):

3.19. Ռեյտինգային կարգով ընտրության գործընթացը հետևյալն է. բոլոր քվեարկողներն ունեն այնքան ձայն, որքան տեղեր են նախատեսված այդ դասային խմբի համար Հիւ կազմում և բաշխում են իրենց ձայները տարբեր թեկնածուների միջև՝ յուրաքանչյուր թեկնածուին ոչ ավել, քան մեկ ձայն համամասնությամբ: Հաղթող են ճանաչվում առավելագույն ձայներ հավաքած թեկնածուները: Ռեյտինգային ընտրությունը

միափուլ է, փակ: Միևնույն դասի շրջանակներում հավասար ծայներ հավաքած թեկնածուների միջև կազմակերպվում է վիճակահանություն⁶:

3.20. Ռեյտինգային ներդասային ընտրությունների ավարտից հետո Հիմնադրամն ամփոփում է արդյունքները և տեղեկացնում դրանց մասին յուրաքանչյուր դասի շրջանակներում առաջադրված բոլոր թեկնածուներին և գործող Հիւ-ին:

3.21. Յուրաքանչյուր ընտրված թեկնածու գրավոր կերպով ընդունում է սույն կանոնակարգի, Հիմնադրամի Հիւ կողմից հաստատված էթիկայի կանոնների բոլոր դրույթները՝ ստորագրելով դրանց՝ իրեն հանձնված օրինակի ստորին հատվածում:

3.22. Գործող Հիւ-ն հաստատում է նոր Հիւ կազմը՝ հիմք ընդունելով ընտրությունների արդյունքները, թեկնածուի կողմից ստորագրված սույն կանոնակարգը և էթիկայի կանոնները, ինչպես նաև ֆինանսական միջոցների ներգրավման խոստում ունեցող դասային խմբերից ընտրված անդամների կողմից ստորագրված նվիրատվության պայմանագրերը:

3.23. Սույն կարգով չկարգավորվող կամ տարածայնություններ առաջացնող հարցերի վերաբերյալ որոշում կայացնելու իրավունքը վերապահված է Հիմնադրամի Հիւ-ին:

3.24. Սույն կանոնակարգի 3-րդ գլխով սահմանված ընթացակարգերը գործելու են նաև Հիւ յուրաքանչյուր հաջորդ ընտրությունների դեպքում, ընդ որում, համապատասխան ընթացակարգերի ժամկետները կսահմանվեն Հիմնադրամի Հիւ-ի կողմից՝ սույն կանոնակարգի 3.25 կետի տրամաբանությամբ և յուրաքանչյուր փուլի համար սահմանված ժամկետների և փուլերի հերթականության պահպանմամբ:

3.25. Սույն կանոնակարգի հիման վրա Հիւ առաջին և հերթական կազմերի ձևավորման ժամանակացույց:

Ժամկետ	Գործողություն
Մինչև տվյալ տարվա ⁷ հոկտեմբերի 01-ը	Գործընթացի մեկնարկի մասին տեղեկացում համայնքին
Մինչև տվյալ տարվա հոկտեմբերի 10-ը	Հաստատումների կամ առարկությունների ստացման վերջնաժամկետ
Մինչև տվյալ տարվա հոկտեմբերի 22-ը.	Հայտարարությունների ներկայացման վերջնաժամկետ
Մինչև տվյալ տարվա հոկտեմբերի 14-ից 25-ը ընկած ժամանակահատվածում	Ցուցակների ճշգրտման աշխատանքներ
Մինչև տվյալ տարվա հոկտեմբերի 31-ը	Հիմնադրամի Հիւ կողմից յուրաքանչյուր դասային խմբում քվեարկողների

⁶ Թեկնածուները հրավիրվում են առցանց կամ առկա հանդիպման, մի քանի անկախ ներկայացուցիչների կողմից թեկնածուների անունները գրվում են թղթերի վրա, փակվում, ապա վիճակահանությամբ դուրս է բերվում թեկնածուի անունը:

⁷ «Տվյալ տարի» եզրույթը մեկնաբանվում է որպես Հիւ կազմի լիազորությունների ավարտի և հերթական կազմի ձևավորման տարի:

	ցանկերի հաստատում և հրապարակում տվյալ դասի քվեարկողների շրջանում
Մինչև տվյալ տարվա նոյեմբերի 1-ից 6-ը ընկած ժամանակահատվածում	Թեկնածուների առաջադրում կամ ինքնաառաջադրում
Մինչև տվյալ տարվա նոյեմբերի 7-ից 9-ը ընկած ժամանակահատվածում	Առաջադրված թեկնածուների համաձայնության/ինքնաբացարկի ստացում
Մինչև տվյալ տարվա նոյեմբերի 10-ը	Ըստ առանձին դասային խմբերի թեկնածուների ցանկերի հրապարակում տվյալ դասի քվեարկողների շրջանում
Մինչև տվյալ տարվա նոյեմբերի 11-ից 20-ը ընկած ժամանակահատվածում	Ներդասային քննարկումներ
Մինչև տվյալ տարվա նոյեմբերի 21-ից 28-ը ընկած ժամանակահատվածում	Ներդասային քվեարկություններ (ընտրություն)
Մինչև տվյալ տարվա նոյեմբերի 29-ից դեկտեմբերի 3-ը ընկած ժամանակահատվածում	Քվեարկության արդյունքների ամփոփում
Մինչև տվյալ տարվա դեկտեմբերի 4-ը	Քվեարկության արդյունքների ներկայացում ՀԽ-ին և քվեարկողներին
Մինչև տվյալ տարվա դեկտեմբերի 4-ից 7-ը ընկած ժամանակահատվածում	Գործող ՀԽ-ի կողմից Նոր ՀԽ-ի կազմի հաստատում
Մինչև տվյալ տարվա դեկտեմբերի 4-ից 7-ը ընկած ժամանակահատվածում	ՀԽ-ի ձևովորման գործընթացի մասնակիցների տեղեկացում ՀԽ-ի Նոր կազմի հաստատման մասին
Մինչև տվյալ տարվա դեկտեմբերի 12-ը	Նոր կազմավորված ՀԽ-ն սկսում է իր աշխատանքը

3.26. Ռազմավարական հովանավոր.

3.26.1. ՀԽ կազմում որպես ռազմավարական հովանավոր առաջադրվելու համար՝ Հիմնադրամին և/կամ «Այբ կրթական հանգույց» հիմնադրամին վերջիններիս հիմնադրման պահից նվիրատվությունների ընդհանուր գումարը պետք է գերազանցի 1.000.000 (մեկ միլիոն) ԱՄՆ դոլարը (գումարային հաշվարկը կատարվում է՝ հիմք ընդունելով գումարի՝ հաշիվներին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.26.2. Սույն կանոնակարգի հիման վրա ՀԽ ընտրություններից հետո՝ ՀԽ կազմի յուրաքանչյուր հաջորդ ընտրությունների դրությամբ (յուրաքանչյուր 2 (երկու) տարին մեկ անգամ), եթե տվյալ հովանավորի կողմից Հիմնադրամին և/կամ «Այբ կրթական հանգույց» հիմնադրամին նվիրատվությունները գերազանցում են 1.000.000 (մեկ միլիոն) ԱՄՆ դոլարը, ապա տվյալ հովանավորն ընդգրկվում է տվյալ դասային խմբի քվեարկողների կազմում:

3.27. Շարունակական հովանավոր՝ ֆինանսական միջոցների ներգրավման խոստմամբ.

3.27.1. Հիս կազմում շարունակական հովանավոր՝ ֆինանսական միջոցների ներգրավման խոստմամբ (այսուհետև՝ ֆինանսական խոստմամբ շարունակական հովանավոր) դասային խմբում որպես քվեարկող ընդգրկվելու համար տվյալ անձի՝ Հիմնադրամին և/կամ «Այբ կրթական հանգույց» հիմնադրամին նվիրատվությունների ընդհանուր գումարը այս խմբում որպես քվեարկող ընդգրկվելու պահին պետք է 01/2016-12/2018 ժամանակահատվածի համար կազմի նվազագույնը 32.000 (երեսուներկու հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվներին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.27.2. Սույն կանոնակարգի ուժի մեջ մտնելու տարեսկզբից՝ ֆինանսական խոստմամբ շարունակական հովանավոր դասային խմբում ընդգրկվելու համար հիմք են ընդունվելու «Այբ» համակարգի կառույցներին արված նվիրատվությունները⁸: Սույն փաստաթղթի ընդունման պահին «Այբ» համակարգի կառույցները երեքն են՝ «Այբ» կրթական հիմնադրամ, «Այբ» դպրոց, Դիլիջանի կենտրոնական դպրոց: Հետագայում «Այբ» համակարգի կառույցներին արվող նվիրատվությունները կհաշվարկվեն միայն այն դեպքում, երբ այդ կառույցները առնվազն 3 տարի «Այբ» համակարգի անդամ լինեն:

3.27.3. Ֆինանսական խոստմամբ շարունակական հովանավոր դասային խմբում իրենց անդամությունը պահպանելու համար անդամները պետք է շարունակեն նվիրատվություններ կատարել «Այբ» համակարգի կառույցներին՝ երկու տարվա համար նվազագույնը 24.000 (քսանչորս հազար) ԱՄՆ դոլարի չափով:

3.27.4. Ֆինանսական խոստմամբ շարունակական հովանավոր դասային խմբից առաջադրված թեկնածուն պարտավորվում է Հիս գործունեության երկու տարիների ընթացքում Հիմնադրամին նվիրատվություն անել ոչ պակաս, քան 24.000 (քսանչորս հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրաբերության՝ Հիմնադրամի հաշիվին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.27.5. Հիս-ի «ֆինանսական խոստմամբ շարունակական հովանավոր» դասային խմբում որպես քվեարկող ընդգրկվելու համար կարող են հավակնել նաև համայնքի նոր անդամներ: Ընդ որում, թեկնածուները պարտավորվում են համապատասխան ընտրությամբ ձևավորվող Հիս-ի գործունեության երկու տարվա ընթացքում «Այբ» համակարգի կառույցներին նվիրատվություն անել ոչ պակաս, քան 24.000 (քսանչորս հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.27.6. Տվյալ դասային խմբում որպես քվեարկող համայնքի նոր անդամի ընդգրկվելու վերաբերյալ Հիս-ն կայացնում է անհատական որոշում: Այս հարցով Հիս-ի որոշումը պարզաբանման և մեկնաբանության ենթակա չէ: Նվիրատվության պարտավորություն ստանձնելու կամ կատարելու փաստը անհրաժեշտ, բայց ոչ բավարար պայման է խմբում որպես

⁸ Սույն կետը տարածվում է նաև սույն կանոնակարգով սահմանված շարունակական հովանավոր դասային խմբի շրջանակներում:

քվեարկող ընդգրկվելու համար: Տվյալ դասային խմբում այս կարգով ներգրավված համայնքի նոր անդամները չեն կարող առաջադրվել որպես իրենց դասային խմբից ՀԽ-ի անդամության թեկնածուներ՝ ՀԽ-ի գործունեության իրենց միանալու առաջին երկու տարիների ընթացքում:

3.27.7. Կանոնակարգի 3.27.4. կետով սահմանված պարտավորությունը ամրագրվում է Հիմնադրամի և որպես ֆինանսական խոստմամբ շարունակական հովանավոր դասային խմբի անդամի միջև կնքվող գրավոր պայմանագրով, որի հիման վրա սահմանված տարեկան վճարումներն իրականացվում են ՀԽ յուրաքանչյուր աշխատանքային տարվա սկզբին նախորդող երկու շաբաթվա ընթացքում: Ընդ որում, նվիրատվության ֆինանսական աղբյուրը չպետք է լինի վարկային և/կամ փոխառու միջոց՝ թե՛ Հիմնադրամի, թե՛ ֆինանսական խոստմամբ շարունակական հովանավորի համար, և միջոցները պետք ուղղվեն Հիմնադրամի կանոնադրական նպատակների իրականացմանը⁹:

3.28. Շարունակական հովանավոր.

3.28.1. ՀԽ կազմում շարունակական հովանավոր դասային խմբում որպես քվեարկող ընդգրկվելու համար տվյալ անձի՝ Հիմնադրամին և/կամ «Այբ կրթական հանգույց» հիմնադրամին նվիրատվությունների ընդհանուր գումարը այս խմբում որպես քվեարկող ընդգրկվելու պահին պետք է 01/2016-12/2018 ժամանակահատվածի համար կազմի նվազագույնը 4.000 (չորս հազար) ԱՄՆ դոլար (գումարային հաշվարկը կատարվում է՝ հիմք ընդունելով նվիրատվության գումարի՝ հաշիվներին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

3.28.2. Շարունակական հովանավոր դասային խմբում իրենց անդամությունը պահպանելու համար անդամները պետք է շարունակեն նվիրատվություններ կատարել «Այբ» համակարգի կառույցներին, երկու տարվա համար նվազագույնը 4.000 (չորս հազար) ԱՄՆ դոլարի չափով (գումարային հաշվարկը կատարվում է՝ հիմք ընդունելով նվիրաբերության՝ հաշիվին մուտքագրման օրվա համար ՀՀ ԿԲ կողմից հայտարարված տարադրամի փոխարժեքը):

4. ԵԶՐԱՓՈՒԿ ԴՐՈՒՅԹՆԵՐ

4.1. «Այբ» կրթական հիմնադրամի հոգաբարձուների խորհրդի 3 (երեք) դասային խմբերի ներդասային ընտրությունների կանոնակարգը հաստատված է Հիմնադրամի հոգաբարձուների խորհրդի կողմից: Դրա հետագա փոփոխությունները կատարվում են Հիմնադրամի ՀԽ որոշմամբ:

4.2. Կանոնակարգի դասային խմբերից յուրաքանչյուրով առաջադրվող թեկնածուն տեղեկացված է առ այն, որ և որպես քվեարկող, և որպես թեկնածու առաջադրման/դիմումի ժամկետները խախտելը հանգեցնում է համապատասխան ցուցակում չընդգրմանը, որը ենթակա չէ բողոքարկման:

4.3. Կանոնակարգով չկարգավորված հարցերը լուծվում են Հիմնադրամի կանոնադրությանը և Հիմնադրամի հոգաբարձուների խորհրդի որոշումների համաձայն:

⁹ Սույն կետով սահմանված կարգավորումները տարածվում են նաև այն բոլոր դասային խմբերի անդամների հետ կապված իրավահարաբերությունները կարգավորելիս, ովքեր ունենք ֆինանսական միջոցների ներգրավման խոստում:

4.4. Կանոնակարգով և Էթիկայի կանոններով սահմանված դրույթները և պարտականությունները Հես անդամի կողմից խախտելը կարող է հանգեցնել Հես տվյալ անդամի հեռացմանը Հես կազմից:

ԴԻՄՈՒՄ

**«ԱՅԲ» ԿՐԹԱԿԱՆ ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ ԽՈՐՀՐԴԻ ՁԵՎԱՎՈՐՄԱՆ ԸՆԹԱՑՔՈՒՄ
ՔՎԵԱՐԿՈՂՆԵՐԻ ՑՈՒՑԱԿՈՒՄ
ԸՆԴԳՐԿՎԵԼՈՒ ՄԱՍԻՆ**

«__» ____ 20__թ.

1	Հավակնորդի անունը, հայրանունը, ազգանունը		
2	Հեռախոսահամարները	բջջային	
		աշխատանք	
3	Հասցե	բնակության	
		աշխատանք	
4	Էլեկտրոնային հասցե		
5	Հև-ի նախընտրելի դասային խումբ/եր	1.	
		2.	
		3.	

ԾԱՆՈԹԱՑԵԼ ԵՄ «Այբ» կրթական հիմնադրամի կանոնադրությանը, «Այբ» կրթական հիմնադրամի հոգաբարձուների խորհրդի 3 /երեք/ դասային խմբերի ներդասային ընտրությունների կանոնակարգին, Էթիկայի կանոններին, համաձայն եմ դրանց դրույթներին և խնդրում եմ իմ որպես քվեարկողի կարգավիճակի հաստատումից հետո դրանք կիրառել իմ նկատմամբ:

ՊԱՐՏԱՎՈՐՎՈՒՄ ԵՄ «Այբ» կրթական հիմնադրամի Հև-ի կազմում ընտրվելու դեպքում ստորագրել Էթիկայի կանոնները:

ՏԱԼԻՍ ԵՄ ԹՈՒՅԼՏՎՈՒԹՅՈՒՆ «Այբ» կրթական հիմնադրամին՝ ստանալու ինձ վերաբերող տեղեկություններ, որոնք կարող են անհրաժեշտ լինել Հև կոնկրետ դասային խմբին ներկայացվող չափանիշներին իմ համապատասխանությունը ստուգելու համար, ինչպես նաև օգտագործելու սույն դիմումում նախատեսված անձնական տվյալները՝ Հև թեկնածության և անդամության շրջանակներում:

Ելնելով վերոգրյալից՝ խնդրում եմ

Հաստատել «Այբ» կրթական հիմնադրամի հոգաբարձուների խորհրդի ձևավորման գործընթացում իմ ներգրավումը որպես քվեարկող՝ _____ դասային խմբում:

Դիմումատու՝ _____

ստորագրություն

անուն, հայրանուն, ազգանուն